



UNIVERSITÄTS-  
BIBLIOTHEK  
PADERBORN

**Nicolai Lancicii E Societate Iesv Opvscvlorvm Spiritvalivm  
Tomvs ...**

**Łęczycki, Mikołaj**

**Antverpiae, 1650**

De aliis piis considerationibus ante sepulchrum Domini. Cap. XXIII.

---

[urn:nbn:de:hbz:466:1-78821](https://nbn-resolving.org/urn:nbn:de:hbz:466:1-78821)

VI. Non videas nec audias alienos defectus ad censurandum illos, sed instar mortui, clausos ad tales censuras habeas sensus.

VII. Pro beneficio reputa, si tracteris, etiam ab inferioribus, sine vlllo respectu, quia cadaveri mortuo, hac re non fit iniuria, sed id ei fit tanquam illi conveniens, & sub terra abscondendum procul ab hominum conspectu.

Hos & his similes actus sæpe itera, ante sepulchrum Christi Domini, & offer in gratiarum actionem pro eius passione & morte, sic benedixies, quadragesimam, & habebis latum pascha.

#### CAPVT VIGESIMVM TERTIVM.

##### De alijs pijs Considerationibus, ante Sepulchrum Domini.

182.  
1.1. Rec-  
uel. c. 26.

Beata V. Maria dixit B. Brigittæ: *In Sepulchro filij mei semper cogitatio & cor meum versabatur.*

Considera primò, qualis fuerit Dominus Iesus, qui sepultus in sepulchro Ecclesiastico, representatur nobis, in memoriam veræ & realis eius sepulture. Fuit ornatus omnibus possibilibus sibi virtutibus; præsertim his septem, puritate, humilitate, patientia, obedientia, amore proximorum, amore Dei, deuotione.

Puritas in eo fuit Sextuplex, Imaginationis, Cogitationum, Affectionum, Intentionum, Sensuum, Conuersationis: discurre per singula, in singulis complace tibi, tanquam in montibus, quibusdam, quibus exornata fuit beata illius anima & corpus illius Sanctissimum, illudque spiritualiter osculare his puritatibus in eximio gradu decoratum. Hoc facto, confer eius imaginationes, cum tuis imaginationibus; cogitationes eius, cum tuis cogitationibus; & sic reliqua quatuor, agnosces magnam disparitatem: idèd humilia te, deplora tuas contrarias qualitates, & veniam pete tuorum peccatorum & defectuum, & propone seriam emendationem, quæ vt in te sit, idèd Christus occidi se permittit, pro te, & post occisionem hic sepultus est, & gratis age pro relictis Sanctæ Ecclesiæ his puritatis Exemplis, & per ea, pro meritis quibus redempti sumus.

Humilitas in eo non fuit necessitatis, vt ait S. Bernardus sed charitatis. Quia cum esset æqualis Deo in Diuinitate, & sine vlllo peccato, ac imperfectione etiam inculpabili in Humanitate, tanquam infimus Dei seruus erga Deum se gessit; ideoque à Prophetis solet appellari *seruus*. Hinc in horto Gethsemani (& procul dubio alijs quoque quando pernoctabat in oratione Dei) *orans procidit in faciem suam*. Et agnoscens melius quam nos, se esse creaturam Dei, ratione animæ & corporis, profundissimè se humiliabat sub infinita Maiestate Diuinitatis in se & in alijs diuinis personis existentis. Ex

Zach. 3. 8.

Matt. 26.  
39.

qua cognitione vilitatis suæ naturalis, quam habuit respectu Dei, vt creatura, permittit se ab hominibus tui causa, tam indignè & viliusmodi tractari totâ vitâ suâ. Hinc natus ex paupere Matre, educatus à fabro, exclusus in natiuitate ex diuersorio, natus in stabulo, fugiens non semel aduersarios, erat subditus Mariæ & Ioseph, discipulos ex infima hominum sorte elegit, vt plurimum turbæ vili, vix alicui è primarijs hominibus carus fuit, & tot modis indignè post ablutos discipulis pedes tractatus ab Ethnicis militibus, & Præsidibus, Herode ac Pilato, & Iudeis omnis status, vna cum Latronibus, in medio eorum tanquam princeps Latronum, & regnum Iudeorum ambiens, nudus crucifixus est. Complaceas tibi in hac eius multiplici humilitate, osculare corpus eius tot humiliationis actibus decoratum, confer cum tuis superbijs, & fac reliqua sicut in priore puncto dictum est, de puritate eius.

Patientia eius, Soror humilitatis, fuit eximia & interna, & externa. Interna, sine vllis motibus iræ, odij auerfionis, desiderij vindictæ erga persecutores suos, cum gustu aduersitatum, cum desiderio insatiabili plura & plura semper patiendi, sine vlllo taedio, in minutis patiebatur, ab omni genere hominum, etiam à suis domesticis, & consanguineis, qui eum ligare volebant, tanquam in *furorẽ versum*, id est, stultum factum. Exterior patientia fuit admirabilis, quia nec verbo, nec facto vlllo, nec gestu, vllum impatientiæ signum ostendit, nec vultus mutatione. Complaceas tibi in hac eius virtute, osculare eum, & confer hanc patientiam internam & externam, cum tuis impatientijs, & fac reliqua vt in primo puncto.

Obedientia fuit Christi summa, erga Deum Patrem in omnibus, cuius nunquam voluntatem transgressus est. *Factus ei obediens vsque ad mortem: mortem autem crucis*. Erga Matrem quoque suam, & erga nutrimum suum Sanctum Ioseph, & quod magis est, erga nos à quibus in horto caprus & ligatus fuit, & ductus ad varia tribunalia, prout volebant, & vestibus (dam flagellandus esset) se spoliavit, eorum iussu, denique crucis, sententiam iniquam acceptauit, crucem baulauit, cruci se affigi permittit, & cum latronibus deputatus est. Complaceas tibi in hac eius patientia, osculare corpus hoc, & reliqua fac vt in primo puncto.

Amor proximorum & amicorum, & inimicorum, & indifferentium, fuit in eo summus, proportionatus amor erga Patrem æternum, siquidem verè amans, & perfecti, eodem habitu amat proximum propter Deum, quo ipsum Deum, vt docet S. Thomas, & ante illum S. Augustinus: qui, alio in loco præclare ait: *Nos ipsos tantò magis diligimus, quàm magis diligimus Deum. Ex vna igitur eademq; charitate, Deum proximumq; diligimus: sed Deum propter Deum, nos*

autem

Marci.  
21.

Philip.  
2.

Th. 2.  
2.  
q. 25. a. 1.  
A. 1. tract.  
89. in loc.  
1. 8. Triar.  
c. 8.

entem & proximum, propter Deum. Cum ergo Christus amauerit intensissimè & perpetuò Deum, etiam intensissimè & perpetuò amavit homines propter sic amatum Deum. Omnes effectus & signa amoris demonstrando, & pertransiens benefaciendo, & tandem animam suam ponendo pro omnibus, etiam pro inimicis & crucifixoribus suis. Complaceas tibi in hac eius dilectione, & fac reliqua.

Amor Dei in Christo fuit intensissimus, & tanquam erga Patrem suum naturalem, à quo fuit genitus ab æterno, & tanquam erga Patrem temporaneum (vt ita dicam) quia & in Humanitate assumptra fuit Filius Dei Patris, etsi diuerso modo, & tanquam erga suum Creatorem (quod ad animam & corpus) & tanquam erga suum summum benefactorem in gratiæ & gloriæ donis, quæ habuit supra omnes Angelicos Spiritus maiora, & supra Matrem suam Sanctissimam. Complaceas tibi, &c.

Deuotio Christi fuit summa & ardentissima & insatigabilis, eaque duplex. Illa quam Theologi cum S. Thoma docent esse actum voluntatis promptè tradendi se ad ea quæ pertinent ad Dei seruicium, seu promptè faciendi ea quæ ad Dei seruicium pertinent. Qui actus, immediatè pertinet ad virtutem Religionis (vt S. Thomas alibi ait) mediatè ad charitatem, quæ est Religionis Principium, & quod ad charitatem pertineat immediatè, quod homo tradat se ipsum Deo, adherendo ei per quandam spiritus unionem: sed quod homo tradat se ipsum ad aliqua opera diuini cultus, hoc immediatè pertinet ad Religionem. Cum autem in Christo fuerit Amor Dei summus, etiam deuotio hæc, ab illo tanquam à principio, per modum actus imperati, sed à virtute Religionis eliciti, fuit summa. Vnde etiam nescientibus parentibus, duodennis mansit Hierosolymis, & Matri Sanctissimæ suæ, hac de re piè sollicitè dixit: *Nesciebatis quia in his quæ Patris mei sunt, oportet me esse?*

Ex hac deuotionis plenitudine dixit de se: *Ergo quæ placita sunt ei facio semper.* Complaceas tibi in hoc, &c.

Secundò deuotio in Christo fuit, prout à vulgo accipitur, pro orationis frequentia & tenacitate quadam in agendo cum Deo. Hæc quoque erat summa, & proportionata Amori erga Deum & Religioni. Vnde fiebat, vt sæpè *phrasaret in oratione Dei.* Hic subsiste, & considera qualis materia fuerit orationis Christi, cū funderet preces ad Deum Patrem: quantus feror precum illius: qui actus vel affectus voluntatis erga Deum, quam latè patens erat cor illius orantis pro nobis, & nominatum pro te (per scientiam enim visionis, singulos nostrum agnouit ab instanti suæ conceptionis, & pro singulis nostrum nominatim orauit Patrem Cælestem, destinando nobis singulis sigillatim varia dona naturæ & gratiæ, & (vt sperandum est) etiam præmia gloriæ. Complaceas hic

Lancicij Opus. Tom. 2.

& delectaris in tam benigno, & benivolentissimo corde eius erga te, & osculari, & fac reliquos actus vt in primo puncto.

Considera Secundò Christi animæ statum, quæ habuit, dum eius corpus in sepulchro iaceret. Erat enim tunc in Limbo Patrum, illis qui erant antea plene purgati ab omni scoria & rubigine peccati. Primò, dando lumen gloriæ, & visionem beatificam. Secundò, eos sua reali præsentia consolando. Tertio, benignissimè colloquendo cum illis, & manifestando illis, quæ pro eorum dum viueret sanctificatione, aliisque bonis ad eam ordinatis, fecerit & passus sit, per triginta quatuor annos vitæ suæ, & quantum præmium Patri æterno dederit, vt eos tunc faceret visione beatifica frui. SS. Trinitatis, quam in ipso puncto mortis Christi acceperunt, quæ erat terminus à quo, descensus realis, (& vt ita dicam localis) animæ Christi, à cruce ad Inferos. Quarto. Adducendo animam boni Latronis ad Limbum (siquidem vt constat ex Euangelio, post mortem Christi aliquam diu superuixit) & Sanctis illis Patrum beatorum iam animabus, hanc prædam tartareo Lupo in cruce ereptam gloriosè ostendendo, tanquam fructum mortis suæ, ob quam præuisam bonus Latio, à Deo consecutus est veram contritionem de peccatis suis, cum fide vera in Christum, & amore coniunctam, ac Confessione eius decoratam. Quintò. Edocendo eos quantis sceleribus obrutus fuisset ille Latio (vt piè pòderat noster Theophilus Raynaudus) vsque ad eum, vt in ipsa etiam cruce, per summam barbaritatem probris, & conuictis eum proscinderet, sed postea conuersus (vt Sancti Patres aiunt) socij confixi in scelere & nequitia obdurati, impietatem reprehenderet, Regiæque potestatis Christi solennem professionem in Hierosolimitana vrbis, ac prope vniuersi theatro ediderit, erectissimè spæ & flagrantissimè charitate erga Christum accensus. Sextò, alia quoque bonis illis spiritibus, vt ait S. Petrus prædicando, vsque ad ipsum resurrectionis Dominicæ tempus. Tandem enim fuit in Limbo, vt indicauit ipse Christus Dominus Matth. 12. 40. & asserunt Sancti Patres. b. Septimò, Spoliando infernum animabus illis Sanctis & educendo eas ex illis.

Considera Tertio, omnia membra Christi Domini iacentis in sepulchro. Primò vt erat obiectum gratissimum Deo Patri, tum propter eximiam puritatem, quam tota vita habuit, tum propter signa obedientiæ Patri æterno exhibitæ, in perferendis tot vulneribus à flagellis, spinea corona, detractiōe & autissione vestium ante crucifixionem, & clauis ac lanceâ post mortem, relictis in eo, & sanguine rubentibus. Ideò primò gaude benignissimis oculis membra omnia Redemptoris tui à Deo Patre aspici. Secundò, Adora illa propter te tam malè

Ioan. 19. 32. 33.

In Metamorph. Iatron. c. 13. n. 16. 4 Hilar. can. 33. in Matth. A. rab. l. 10. Luc. Chryf. h. 21. ad Rom. in mor. & h. 88. in Matth. Hier. ep. 148.

Athan. 3. de pass. & cruce. sp. cou. Collat. c. 14. orig. tr. 35. in Matth. 1. Petri 3. 19.

b Nyss. or. 1. de resurr. Iren. l. 5. cap. 31. Ambr. in c. 4. Ephe. Tert. l. 3. anima c. 31. & 55. Th 3. p. 2. q. 52. a. 4.



tractata. *Tertio*, gratias age pro iis, quae tui causa passus. *Quarto*, offer te illi ad patiendum pro eo similia. *Quinto*, dole de peccatis ob quae tam indignè tractatus est. *Sexto*, pete remissionem peccatorum; pro quibus tantum pretium Patri aeterno obtulit. *Septimo*, promitte emendationem morum, ne eum deinceps offendas, & offendendo exhibeas notiam materiam patiendi pro te: siquidem Apostolus ait à peccatoribus *rursus crucifigi filium Dei* (per peccata mortalia) & *ostentui haberi* (per peccata venialia deliberate commissa).

Hebr. 6.  
6.

*Secundo*, Aspice membra illa oculis mentis, considerando quae fecerunt, & passa sunt tota vità suà, incipiendo ab eius incommoda in stabulo natiuitate vsque ad mortem in cruce; & sex affectus supradictos elice. Scilicet adorationi gratiarum actionis, oblationis, &c. quibus adde, septimum: Oculare illa singula, & postea, lintea quibus inuolutum erat caput, & aliud, quo inuolutum erat reliquum corpus, & sepulchrum, in quo iacuit.

*Considera quarto* quinque vulnera Christi à clavis, & lancea facta: quae singula à dorà, gratias age pro duobus beneficiis. *Primo*, quod tam acerbum dolorem Christus Dominus pertulit in quatuor vulneribus manuum & pedum. *Secundo*, quod tam pretiosum sanguinem ex iis effuderit in pretium & redemptionem tuam, dole de peccatis causis illorum vulnerum: Pete per eam remissionem peccatorum tuorum & alienorum, maxime eorum, qui te afflixerunt aliquando, Promitte emendationem.

Sed potissimum in vnione meritorum Christi, hoc est, eius vitæ, passionis & mortis ac sanguinis in ea pro nobis effusi.

I. Offer Christo Domino in gratiarum actionem pro eius vita passione & morte acerbissima.

II. Manui dextræ eius: Pati patienter, libenter, & gaudenter, iniquas tui accusationes, omnes, possibiles.

III. Manui sinistrae, pati eodem modo, malam opinionem de te, omnium, præsertim Superiorum, & eorum quorum tibi gratia & fauor necessarius est, & ab amore proprio in imperfectis expeti solet.

IV. Pedi dextro, pati eodem modo, contemptum internum eorundem ex mala opinione oriri solitum.

V. Pedi sinistro, pati eodem modo contemptum externum eorundem & tui vel degradationem à rebus quas habes caras, vel non promotionem ad speciosa & honorifica.

VI. Lateri Christi. Pati eodem modo, infamias, verbis & pennis scribentium literas, quibus fama tua denigretur publicè, coram multis, non tantum priuatim coram Superioribus, per accusationes manui dextræ Christi oblationes.

*Considera quinto*, Caput Domini. Iesu spiritus, coronatum & amandibus percussum, simili modo ut supra: Adora illud; gratias ages, doli &c. pete remissionem peccatorum; promitte emendationem. Offer autem illi in gratiarum actionem pro eius vita, passione, & morte; voluntatem patiendi omnes pernitentias iniustas, seu humiliabones positivas; verbo & scripto Superiorum declarandas, & omnes te inaudito, tui condemnationes, denique qualuis exterius mortificationes, & persecutiones Superiorum æqualium & inferiorum, in quantum non præiudicant diuina gloria & bono communi.

*Considera sexto*, in anima Christi, licet tam crudeli morte auulsa à corpore, admirabile desiderium nostræ salutis, pro qua si opus esset, adhuc iterum, & sæpè etiam, pro singulis nostrum pateretur, sicut antea pro omnibus passus est. Sic enim ipse hoc reuelauit S. Brigittæ: *Ego qui creatus te, nulli membro meo peperci ad supplicium pro te, & adhuc sic charitatim diligo animam tuam, ut antequam eam carerem, adhuc iterum si possibile esset, pro eâ crucifigerem.*

Quod etiam de aliis hominibus dictum esse scribit à Christo Domino, Sancto Carpo, S. Dionysius Arcopagita: *Nimirum paratum se esse, mortem demò, humani generis redimendi causa, subire.* Hac, inquit S. Dionysius, ipse audiui à Carpo. *vera mihi esse persuadeo.* Et alia vice Christus Dominus dixit S. Brigittæ: *Adhuc ex charitate libenter iterum morerer pro homine si esset possibile.* Plus adhuc dixit aliàs: *O amici mei, sic tenere diligo omnes, quos libenter quem, speciali morte, qualem in cruce semel pro omnibus passus sum, magis eam redimerem, quam careere eâ vellem.* Idem dixit alio in loco: sed maxime hoc dicto suum demonstrauit amorem erga hominum salutem: *Si adhuc possibile esset, quod ego toties morerer, quot sunt anima in inferno, ita, quod pro qualibet earum, talem mortem sustinerem, qualem tunc pro omnibus sustinui, adhuc corpus meum paratum esset, subire hac omnia, cum libenti voluntate, & perfectissima charitate.*

Admirare, & adora, & lauda abyssum istam diuinæ charitatis, gratias age pro illa, & in signum gratiarum actionis, religiosa & offer Christo Domino, omnia quæcunque potes facere & pati pro illo, in hac & in altera vita, nulla re excepta: & descende ad particularium rerum famori proprio iucundarum, abdicationem & resignationem.

*Considera septimo*, Solitudinem Christi Domini in sepulchro iacentis: quomodo derelictus est ab omnibus, nullus suorum ei astitit, omnes deseruerunt eum. Cum tamen & Herodes, & Pilatus, & Annas, & Caiphas, & alij scribæ ac Pharisei & Principes Sacerdotum & Seniores populi, eius inimici, tunc habuerint magnum comitatum feruorum & aliorum. Compatere Christo Domino; & videns eum ita solum, visit

ta cum in spiritu, assiste ei semper, solare instar Angeli cum in hortu confortantis paulò post resurrecturum ad gloriam corporis, propone ei tuas & tuorum necessitates, veniam pete, age gratias pro omnibus beneficiis, & sis contentus, deseri ab omnibus, & nesciri, ac nominatim pete, tibi & tuis, mortem felicem. *Primò*, vt moriaris in gratia Dei. *Secundò*, vt moriaris cum magnis meritis, quò possis Deum in cælo quàm maximè glorificare. *Tertio*, vt moriaris factò magno fructu, in quam plurimis animabus, pro quibus Christus mortuus & sepultus est. *Quartò*, vt moriaris inglorius & infamis (sine præiudicio tamen diuinæ gloriæ, & boni communis, & sine offensa Dei) sicut & Christus infami morte inter latrones, tanquam lato mortuus est. *Quintò*, vt moriaris sine vlla obligatione pœnæ in purgatorio luenda. *Sextò*, vt moriaris præterea relicto ingenti thesauro satisfactorum tibi non necessitarum, pro Indulgentiis à Romano Pontifice dispensandis, in beneficium animarum à Christo Domino redemptarum. *Septimò*, vt etiam post mortem Deum glorifices, illis modis quibus Deus glorificari solet per memoriam bonorum exemplorum in vita relictorum, per doctrinas aliis relictas, per scripta aliis communicata, per preces, per merita &c. tum vt ita Christo Domino Capiti tuo sis similior, qui etiam post mortem prodest nobis tot modis: tum vt hac ratione in te appareat & dilatetur per te fructus passionis eius fructuosissimæ, ob maiorem gloriam Christi Domini tui, & confusionem dæmonum, inimicorum eius.

*Considera octauò*. Pietatem Ioseph ab Arimathea & Nicodemi, qui impetratum à Pilato corpus Domini Iesu, & ligatum linteis cum aromatis, mixtura myrrhæ & aloës, sepelierunt, eum in hortu, propinquo loco crucifixionis, in monumento nouo, in quo nondum quisquam positus fuerat. Gaude, quò inuenti sint aliqui solliciti de Christo sepeliendo, & contemptis humanis respectibus, petierunt à Pilato corpus Iesu, & liberales erga eum fuerunt, comparatis centum libris aromatum; & non in qualicumque loco eum sepelierant, sed in monumento nouo, à nullo peccatore prophanato.

Gratias eis age pro his obsequiis, in spiritu illos laudans pro hac obseruantia & pietate, & imitari stude illos in supradictis, suo modo, nunc Christum gloriosum tractando, & sine humanis respectibus, promouendo eius gloriam, & bonum animarum tuarum, tum aliorum.

Lancicij Opse. Tom. 2.

CAPVT VIGESIMVMQVARTVM.

Quomodo Christus Dominus post resurrectionem est excipiendus.

Inter alios piæ deuotionis affectus, quibus bonæ mentes solent excipere Christum Dominum à mortuis resurgentem, hi quoque, si libuerit, esse possunt.

*Primò*. Adora Christum resuscitatum in Diuinitate eius, qua consubstantialis est Patri & Spiritui Sancto, seu, vnum quid cum Patre & Spiritu Sancto, in vna & indiuisibili natura diuina. Adora, inquam, vt Deum æternum, & Creatorem ac Dominum vniuersarum creaturarum, à quo omnes dependent in suo esse, & in omnibus operationibus suis, à quo conseruantur, protegentur, gubernantur. Adorata autem diuina eius naturâ, adora sigillatim eius diuina attributa, æternitatem, immensitatem, bonitatem, sapientiam, potentiam, impassibilitatem, independentiam ab vlla re, seu vt loquimur in scholis, *Esse à se*, & hæc omnia infinito modo infinita in eo. In particulari verd, præcipuo quodam affectu, adora eius patientiam, qua te & alios peccantes, non puniuit statim post peccata commissa, vt merebaris, sed expectauit diu ad præsentiam, item recidentem toties in similia peccata, tolerauit diu, item remisit peccata toties per absolutionem sacerdotalem; item liberauit, & plenè conuertit à multis peccatis plurimos, ne in ea deinceps relaberentur; item dedit gratiam satisfaciendi aliquo modo pro peccatis commissis; item dedit horrorem & magnam detestationem quorundam peccatorum; item dedit ratum lapsum in quâdam peccata venialia, vel nullum in aliqua. Quæ omnia sunt magna beneficia peccatoribus concessa, & merentur specialem gratitudinem, quæ hac adoratione, aliqua ex parte demonstratur, demonstranda infra, alio modo quoque, scilicet, gratiarum actione.

*Secundò*. Adora in hac diuinitate Christi commune diuinis personis, æternum, quo ab æterno destinauit creare tot creaturas in tempore, & tot beneficiis naturalibus eas ditare, per tot secula ad finem mundi duratura, & creaturas rationales Angelicas tam multas præseruare à peccatis omnibus, homines verd omnes redimere per Incarnationem ex Maria Virgine, & ex redemptis, tam multos sanctificare & saluare.

*Tertio*. Adora æternam Voluntatem Verbi, quâ decreuit assumere hypostaticè humanam naturam, & in ea, & per eam per tot annos tam multa facere, docere, & pati, pro tua & totius mundi salute, etsi benè præuideret innumeros homines suâ culpâ non vsuros his salutis remediis, quæ ille suo sanguine, denique totâ vitâ, passione ac morte nobis comparauit; & tam